


أراجوز فنان



شعر: عبده الزرّاع

رسوم: شاكر المداوي



الهيئة العامة لقصور الثقافة

سلسلة تصدر شهريا ونصف شهريه خلال مهرجان القراءة للجميع

تاريخ الاصدار يناير ٢٠٠٢

فَظُّرُ النَّارِ



رئيس مجلس الإدارة
د. فوزي فهمي

أمين عام النشر
محمد السيد عيد

الإشراف العام
فكري النقاش

رئيس التحرير
زينب العسال

مدير التحرير
نجلاء علام

المشرف الفني
عصام حنفي

سكرتير التحرير
منال محمود

• • •

المراسلات:

رئيس تحرير السلسلة

١٦ (١) ش أمين سامي

قصر العيني. القاهرة


• • •

التجهيز والطباعة:

دار أخبار اليوم

٦ شارع الصحافة

• • •



إهداء

إلى

ابنتي آية

وردة الروح التي تتفتح في بستانى

وإلى

كل أطفال مصر

علنى أدخل الفرح إلى قلوبهم

عبدہ

ديك الدويكة

أنا ديك الدويكة
فى الفجر أصبحا
وأكوكو وأصبح
وانغم موسيقيا

•
أنا ريشى متلون
من قبل ما أتكون
ولا أرسم وألون
ولا أمسح بأستيكا



أنا باحفظ ف دروسى

وبذاكر مع لوسى

وأنا والقطة بوسى

راح ناكل كيكاً كيكاً

أنا شاطر شطور

فى المدرسة دبّور

وراح أركب حنطور

وأوصل بيه قبليكاً



قلم رصاص

قلم رصاص لكن

جنان

رسمت بيه

وردة.. وحصان

•

قلم رصاص

رسم مدينة

وفيه ناس


وفيه مينا

وقارب نجاه

جنب السفينة

•

قلم رصاص



قلم رصاص
رسم غيطان
ومطرة نازلة
وسط المكان
وحمام بيهدل
على غصن بان

•

قلم رصاص
لونه رصاصي
عصفور يزقزق
كتكوت يصاصي
والناس بتكره
فعل المعاصي

• •




رسم بيوت
وطيارات
من غير هبوط
ونيل.. بيرمح
ملوش شطوط

•

بنحبك يا مدارس

بنحبك يا مدارس
وبنحب الحصص
والأبلة والمدرس
وصوت الجرس

•
نتعلم الفصاحة
والقول اللي بصراحة
وف وقت لاستراحة
بنقرا في القصص



س. م. م. م.

أستاذنا.. بيعاتنا على

حصصه لما غبنا

وضيعنا القُرص

••

بنعزف الموسيقى

وما نخافش الحقيقة والكلمة

لو جريئة الظلم بيتخرس

•

أصل التاريخ صاحبنا



أنا قلبى هايم

مسحراتى.. عازف ناياتى
ع الطبله ايدى
بتقول آهاتى
وأغنياتى طالعة ليلاتى
بتقول: حكاوى المسحراتى



مسحراتى.. وصوت الناي
بيشجى الكل
والفجر ع الدنيا
خلاص ها يهل
وأنا ماشى أدندن وأطبل
والايدين ما تكل



اصحى يا نايم



وأنا قلبي هايم
في عيون بلادى
والوز عايم
عمال يكاكى
في ترعة صافية
وأنا ماشى أنادى
وأقول: ياهادى

●
زهور بتطلع

في كل مطلع
وبكره تكبر
تفرد تفرع
وتشيل حمولك
يا بلدنا ياللى
حبك تمللى
في قلوبنا قوة
بيزيد ولادك
عزم وفتوة

●
دقيت على الطلبة وندهت
من عزمى
وقلت: يانايم
قوم.. واصحى.. واتسحر
علشان أكيد صايم
رمضان دا شهر كريم

●●



الوزة الوزوزة


أنا وزة باعوم وأكاكى
للدنيا باقول: محلاكى

•

أنا ريش أبيض ورمادى
وباقوم ف الصبح وأنادى
ع الشمس تيجى الناحيادى
وتزور ضلفة شباكى

•

وباحب أكاكى كاك كاك
وأعوم فى الترعة هناك
ويا ديك راح أغنى معاك
بلدى يا حلوة يا محلاكى



أنا وزوزو الوزوزة

والكل يقول: محظوظة

وأحب التين والموزة

ويا بطة خديني معاكى

•
وبأحب المية وخُصرة

وبأحب أفكر فكرة

علشان أحلامى بكره

تطلع نجمة فى سماكى



كور

كور.. كور.. كور
اضرب.. العب.. شوط
علشان ألقط صور
خش عليه مضبوط

•

حريف وبتلعب كورة
بتباصى جون واتنين
قربت تجيب الفورة
وبتلعب ع الونجين

•



رقصت الباك والجون
وقطعت الشبكة كمان
جمهورنا صبح مفتون
والحزن ما عادله مكان

• •



يا قلب النهار

وزى السنابل بنطلع لفوق
تغنى البلابل لضى الشروق

•

يا قطفة ميلادنا يا قلب النهار
يا ورد فى بلدنا وجناين خضار
بيطلع قمرنا وشمسك تروق

•

تعالو وغنوا على كل لون
غناكم له فرحة تبان فى العيون
سفينة بتعبر برقة.. وذوق



•
باشوفكم زهور فى قلب المدارس

وروحكم تطير كمثل النوارس

وتنزل ترفرف وتطلع لفوق

••



تعلوب مبسوط

كان فيه تعلق
اسمه تعلوب
بيقوم م النوم
زى اللهلوب

•

شاف الغزلان
زى الرهوان
قال: يا سلاملم
محلى الغزلان
دنا.. دنا فرحان
أعب وأمرح
كده بالشقلوب

•

شاف النسائيس
بتقول: سيس سيس



س. ٢٠٠١

حَبَّةٌ فِي حَبَّةٍ
قَابِلَتُهُ دَبَّةٌ
طَالَعَةُ تَدْبِدْبُ
جَنْبُ الْقُبَّةِ
قال: التعلوب
على فين: دبدوب
قالت: راحة أُنُوب

•
من يومها وصار
تعلوب مبسوط
بيحب الضحك
ويكره موت
لو واحد نام
أو قام م النوم
وشه مقلوب
••

طالعين نازلين
ماسكين فوانيس
والقرد عريس
ضحك التعلب
قال: أنا تعلوب
ولا أبات مغلوب



أشجع فيل

رجليهم على طول
وتروح والغايب بيكونوا

انت يا فيل يا أبو أحلى
لسان يابو زلومه جنان فى
جنان تشفط ميه ترش كمان
ع الأشجار.. وعلى الأطفال
عمال تضحك.. ولاع البال
ضحك أصله كمان ألحان

●

أنت يا فلفل يا فلافيلىو
قلبك أبيض زى اللولو
بتحب الأطفال النونو
يركبوا فوق ظهرك وتطوح



عارفينه

•

عضلاتك جامدة وعفية يا
سليم خاطر والنية أكلك في
الجزرات أهو غيّة في النهر
بتنزل وتبلّبط ولأولاد
يرموك تُلْقَط
بالزلومة ترش عليه

•

إحنا جينا هنا، علشان لوّا
ديك وودانك رقصنا المزمّار
والطبلّة وضربنا طبعاً
بالنبلة أصلك أشجع
فيل في أوانك

••



لوّنت الكون

أنا واد رسام
والرسم دا غية
بارسم في حمام
بيطير ع المية
وجناحه يهفّف
وترشّ عليه
ودي أصل هوايتي

•

ورسمت الطير
ويا العصافير





ورسمت القمرة

بوش حنون

ضحكت بجنون

ودى أصل هوايتى

••

ألونها بتضوى

زى القناديل

ريشتى فى النيل

ترسم حناطير

وف آخر الليل

بتبات فى دوايتى

•

لونت الكون

اكثر من لون

حمّرت الشمس

صقّرت لمون

الدنيا مهرجانا

جانّا الربيع جانّا

والدنيا مهرجانا



الورد بأنّ وفَتَّح

صوت البُلْبُل بيصّح

كل الأولاد بتفرّح

لما الهوا رمانا



أحمر.. أصفر.. وأخضر

الغايب بكرة يحضر

جه الربيع مخضّر والنيل



برضه سقانا

•

الكون لابس جديد

فرحان طبعا سعيد عصفور

زقزق وحيد الكل قال: معانا



•

الغصن مال وميل تعبنا

عايز يقيّل الكورة جيت في

عيّل ضحك جرى ورانا

••



يا حلاوتك

ياحلاوتك يا بلح
يا حلاوة
يا أحمر.. وأسمر
وتقاوة

•
ريحتك بتفوح
والناس بتروح
تقطف من رطبك
لحمام الدوح
والجو طراوة

•
طوحنى الريح



س. س. س.

CA



بلحك تفاريح
ورمانى الهوا
ووقعت طريح
وبأقول: يا حلاوة

•

أنا نفسى أطيح
زى العصافير
وأمسك فى جريدك
كده.. وأميل
وبكل شقاوة

•

يا حلوتك يا بلح
يا حلاوة

••

عجلاتى حديد

دِيد.. دِيد.. دِيد.. دِيد
أنا قطر وعجلاتى حديد

باتمخطر ع السكة وأمشى
وأنا صاحى أبدا ما بانمشى
وأوصل بدرى... وأوصل ممسى
ولا مرة خلفت المواعيد

أنا دايمًا للناس متسخر
فى ميعادى أبدا ما تأخر
والركاب بتنام وتشخر

وأنا طبعًا فرحان وسعيد

ع القضبان تلقانى سريع
لكن أنا طيب ووديع
وباحب الأزهار فى ربيع
والكون كله جميل وجديد

أنا أنا : قطر باحب الناس
وأنا قلبى مليان إحساس
وأنا بامشى مرفوع الرأس
وبأزمر دِيد.. دِيد.

• •

بأطير فى الجو

صوصو.. صوصو.. صوصو

عصفور وبأطير فى الجو وبأحطّ

على الشجرات

وأنقرّ ع الشبابيك

والتعلّب يوم لو فات

الكلب يقول: هوّ هوّ

•

صوصو.. صوصو.. صوصو

عصفور بأطير فى الجو وبأطير

علطول بجناح والدنيا فى عيني

براح ولا مطره أخاف ولا نوّ

•

صوصو.. صوصو.. صوصو


عصفور بأطير فى الجو وبأقول

للدنيا يادنيا مباحبش كلمة لو

وأطير علطول وف ثانية

وأغنى وأقول: صوصو

• •





دودة القزّ

دودة القزّ.. يا دودة القزّ

إنتِ عزيزة.. وبنتى أعزّ

●

راحت ع الشجراية وجابت

ورق التوت الأخضر نابت

طلت فوق الشجرة ماهابت

بنتى عزيزة.. بنت العز

●

دودة القزّ.. يا دودة سعيدة

علشان انتى صالحة مفيدة

تعبت بنتى وهى وحيدة

علشان أكلك يبقى ألد

●

ياللا يا دودة هاتى لنا حرير

يا للا بسرعة بلاش تأخير

دودة القزّ يا وش الخير

إنتِ عزيزة وبنتى أعزّ

● ●

كوك .. كوك

الديك بيدن

كوك.. كوك

طلع النهار

وأنا مش مفكوك

•


البطة ردت

كيك.. كيك

شافت النهار

قالت: ما ادريك

طالعة مَكُّوك





تَكْ.. تَكْ
عمال بيجرى
ومش مربكوك

• •

نازلة مكوك

•

الوزة صاحت

كأك.. كأك

سابت الهجوم

رجعت فى الباك

دا دفاعها أصله

كان مدكوك

•

الفرخة صحيت

بَكْ.. بَكْ

على صوت القطر

يا طالع المادنة

يا طالع المادنة

أَدْنِ وَسَمِّعْنَا

صوت الآدان صاحي

بالليل وصباحي

في القلب ينعشنا

والروح تفرقشنا

لما نصلّي الفرض

نعشق تراب الأرض



ونرتل المعنى

••

عاشين في أوطاننا

نسمع أذان الفجر



ابنى بيلعب كورة شراب
وقت العطلة ماعمروش غاب
م المدرسة ولا جتنى شكوة
ولا كلمة حتى ولا عتاب

•

ابنى بيرسم بالألوان
بنتى بتعزف عود وكمان
ابنى بيسمع تلفزيون
بنتى غاوية نفخ بالون

•

ابنى بيقراً فى سورة البقرة
بنتى منظمة وقت مذاكرة
ابنى وبنتى فى وقت الجد
بيقروا كتبهم فقرة فقرة

• •



ابنى وبنتى

ابنى بيقراً.. وبنتى بتقرأ
ابنى بيطلع فوق الشجرة
يقطف منها أطيب ثمرة

•

بنتى ماسكه فى ايدها أتارى
أصل اللعب ماهوش إجبارى
تلعب وقت اللعب ما يحلى
ووقت الجد باخلص تارى

•

الطير الطيار

ع الغيطان عدينا
الأشجار بتهفهف
للخضرة غنينا
وجناحنا بترفرف
ع المية ومراعينا

انزل ياللا يا طير
كل واشرب م البير
وأحمد الله وسبح
ع الخير الوفير
المفروش حوالينا

●
انت يا طير طيار
تصحى من الفجرية
وتخوض فى الأخطار
تنقّر وشّ المية
وبتركب فى سفينة

●
فى المغرب بتروّح
وصغارك بتنّوح
لما يهلّ عليهم
م المنقار تديهم
من خير أراضينا

● ●

أراجوز فنان

أنا أراجوز
وبأحب أتأرجز
ولا يعجبني أى مهندس
•
أنا أراجوز واعى وخطير
وبأحب العصافير بتطير
وبأحب الأحلام وردية
فى الفجر ووقت الصبحية
لما الشمس تقوم وتهندس

•
أنا أراجوز...
أنا أراجوز..





وعود وكمان
أتشقلب وأعرف ألحان
أطلع فوق
وأنزل على تحت
وأشغل ويايا التخت
وبأخس مسابقات وبافوز
مأ أنا أراجوز
وباحب أتأرجز

••

أنا أراجوز
وباحب أتأرجز
لما تشوفنى الناس بتجبنى
وأتنطط وأعمل تفانينى
لما أحزّر.. ولا أفزّر
كل الناس تضحك وتهزّر
زى ماكون أنا فُرَقع لوز
ما أنا أراجوز
وباحب أتأرجز

•

أنا أراجوز
إنما فنان
عندى من الألعاب ألوان
ألعب أوج

•
كراستی شقیة

كراستی شقیة

ومجنونة

كراستی بیضة علی مَقْلَمْ

عصفورة بتجرى وتتعلّم


•
كراسته مكتوب

فی ورقها

القرد بياكل م الفاكهة

وغزالة بتمسح فی عرقها

والفیل بالزلومة بیسلّم



تهرب م الشنطة الشعنونة

بتحب البهارات والتونة

فى الحصنة عمالة تتكلم

●

كراستى ايه

يا كراسته

عايزا لك ضابط


وحراسه

وأكلتى منى المصاصة

والضرب عمره

ما بيعلم

● ●



أرنوب الحبوب

أنا أرنوب أرنوب

شقى جدا ولعوب

•

باتنطط تنطيط

واتشعبط ع الحيط

أصلى أروب وحويط

ولا عمرى

أبات مغلوب



مؤمن بالمكتوب

وأكره أى عيوب

ما أنا أرنب أرنوب

شقى جدا ولعوب

••

•
أنا أرنوب وظريف

عائش كده بالكيف

والأحلام لو طيف

عائشه جوه قلوب!

•

أنا أرنوب حبوب





محتويات الكتاب

- ديك الدويكة
- قلم رصاص
- بنحباك يا مدارس
- أنا قلبي هايم
- الوزّة الوزوزة
- كور
- يا قلب النهار
- تعلوب ميسوط
- أشجع فيل
- لونّت الكون
- الدنيا مهرجانا
- يا حلاوتك
- عجلاّتي حديد
- بأطير فيّ الجو
- دودة القرّ
- كوك كوك
- يا طالع المادنة
- ابني وبنتي
- الطير الطيار
- أراجوز فنان
- كراستي شقية
- أرنوب الحبوب

المؤلف في سطور

عبد الزرّاع

- شاعر وكاتب أطفال
- عضو اتحاد كتاب مصر
- مدير تحرير مجلة قطر الندى
- صدر للأطفال:
- ١- رسمنا وردة - قصائد - كتاب
قطر الندى - هيئة قصور
الثقافة - ١٩٩٦
- ٢- ليلة مولد النبی - حكايات
شعبية - كتاب - كتاب الهلال
للاولاد والبنات - ٢٠٠١
- ٣- أحمد عرابی - أوبريت
للأطفال - مجلة آفاق
- المسرح - ٢٠٠٠
- صدر للكبار:
- ١- البندق طاش رشاش على
شعري - إبداعات - هيئة
قصور الثقافة - ١٩٩٦
- ٢- آخر حكايات سهرانة -
الجوائز - هيئة قصور الثقافة
١٩٩٩

